

所不了惟蒙道君和恩有以教之則幽夕覩
太陽之耀光河上公即授素書老子道德經
章句二篇詠帝曰熟研此則所疑自解余往
是經以來千七百餘年凡傳三人連子四矣
勿亦非其人文帝跪受經言畢失公所在論
者以爲文帝好老子大道世人不能盡通其
議而精思遐感仰徽太上道君遣神人特下
教之使去耳恐文帝心未純信故示神變以
悟帝意欲成其道真時人因号曰河上公焉
太極左仙公葛玄曰老子以上皇元年四月
十二日丙午太歲丁卯下爲周師到元極元
年太歲癸丑五月壬午去周西度開開令君
宿命合道豫占見紫雲西邁知有道人當
度仍齋潔燒香想見道真以其年十二月廿
五日老子度開也喜見老子迎設礼稱弟子
老子曰汝應爲此宛利天下棄賢世傳和太
道子神仙者矣以廿八日日中授太上道德
經義洞虛无大无不包細无不入聖王不能
盡通其義昔漢孝文皇帝好大道縱容无爲

之堂嘆凡聖无能解此玄奧精思遠感上徹
太上道遣真人下授文帝希微之旨道人即
信誓傳授至人此字校定外儒所難傳多設

今當參校此正之使與玄洞相應十方諸天
人神仙天地鬼神所宗奉文同无一異矣吾
已於諸天神仙大王校定受傳天人至士賢
儒當宗極正真和道大度何可不精得聖人
本文者乎吾所以有言此欲正玄妙於天地
人耳今說是至矣明矣夫學仙者必能知幽
顯也

道士鄭思遠曰余家師葛仙公受太極真人
徐來勒道德經上下弓仙公景者所好加親
見真人教以口訣云此文道之祖宗也誦詠
万遍夷心住玄者皆必升仙尤尊是書曰夕
朝拜朝拜願念具如靈寶法矣學仙君子宜
知之焉仙公常秘此言无應仙之相好者不
傳也

太極隱訣

先燒香整服礼十拜心存玄中大法師老子

河上真人尹先生因開經監呪曰

玄玄至道宗上德體供元天真雖遠妙近緣
泥丸君宮室皆七寶窓牖自有分清淨常致
真駕景乘紫雲日月左右照昇仙長年金七
祖上生天世為道德門畢叩齒卅六通咽液
卅六過先心存左青龍右白虎前來崔後玄

武足下八卦神龜卅六師子伏在前頭巾七
星五藏生五炁羅文覆身上三一侍經各從
千乘萬騎天地各有萬八千玉童玉女衛之
口訣讀經五百言輒叩齒三咽液三也